

TEZAUUR LITURGIC
13 DECEMBRIE

ACATISTUL
SF. CUVIOS
GHERMAN
DIN ALASKA



MOSCOVA, 2000



Акафист

Преподобному

Герману Аляскинскому

Кондак 1

Избранный чудотворче и преславный угодниче Христов, богоносне отче наш Германе, Аляски украшение и Церкви Православныя радование, воспеваем ти похвалы сия. Ты же, яко Небесный наш покровитель и всемогущный пред Богом молитвенник, не престаи ходатайствовать о нас, чадах твоих, усердно тебе вопиющих: Радуйся, преподобне отче наш Германе, преславный чудотворче.

Икос 1

Ангелов Творец предызбра тя, отче Германе, проповедником быти православныя веры в землях новых и посла тя, яко благовестника, ко язычником, да возсияет им свет Истины. Благодарнии же людие воспевают тебе, яко Небесному покровителю, похвалы сия:

Радуйся, пустынею Саровскою издетска
вращенный;

ра́дуйся, Валаа́мския оби́тели о́трасле
пречестна́я.

Ра́дуйся, пусты́нное уедине́ние возлюбивый;
ра́дуйся, Бо́жиею Ма́терию от сме́рти
спасе́нный.

Ра́дуйся, апо́столов послéдователю;
ра́дуйся, свет и́стинныя ве́ры во Аме́рику
принесый.

Ра́дуйся, Фаво́рским све́том озаре́нный;
ра́дуйся, тьму идо́лослуже́ния Христо́м
просвети́вый.

Ра́дуйся, преподо́бне о́тче наш Ге́рмане,
пресла́вный чудотво́рче.

Кондак 2

Ви́дя Госпо́дь пла́менную любо́вь твою́, ёюже
от ю́ности возгоре́ся, преподо́бне, во оби́тель
Саро́вскую Ему́ еди́ному послужити приведе́ тя,
последí же на о́стров Валаа́мский путь твой
упра́ви, иде́же в со́нме ино́ков ты воспева́л еси́
неуста́нно: Аллилу́иа.

Икос 2

Ра́зум духо́вный тебе́ от ю́ности дарова́ся,
святче Бо́жий, да уразуме́еши красоту́ небéсную
и сла́дость ея́. Сего́ ра́ди от премудра́го игу́мена

Наза́рия, наста́вника преподо́бнаго Серафи́ма Сара́вскаго, поуча́лся еси́ премудро́сти Бо́жией и путе́м Госпо́дним, те́мже Свята́я Це́рковь восхваля́ет тя:

Ра́дуйся, в де́брых сара́вских ста́рцу пусты́ннику послужи́вый;

ра́дуйся, с преподо́бным Серафи́мом еди́наго наста́вника имев́ый.

Ра́дуйся, я́ко пчела́, от вели́каго Феодо́ра духо́вный некта́р в Санакса́ре собра́вый;

ра́дуйся, во пресла́вную оби́тель Валаа́мскую на по́двиги прише́дый.

Ра́дуйся, я́ко тезоимени́тому тебе́ Ге́рману, первонача́льнику Валаа́мскому, свя́тостию уподо́бился еси́;

ра́дуйся, я́ко по́двиги пусты́нножи́тельския подъя́л еси́.

Ра́дуйся, за кро́тость и ти́хость бра́тиею валаа́мскою счита́емый;

ра́дуйся, ны́не все́ю Це́рквию прославля́емый.

Ра́дуйся, преподо́бне о́тче наш Ге́рмане, пресла́вный чудотво́рче.

Кондак 3

Сила Вышняго повелé богомудрому Петро́ва гра́да святителю́ Гаври́лу послáти проповéдники правосла́вныя вѣры в зéмлю Аля́скинскую и тебе́, преподо́бне Гѣрмане, сей жрѣбий апóстольский при́яти. Тѣмже вси лю́дие, просвещеннии свѣтом Христовымъ труды́ твоими и образомъ жити́я твоего́, воспéша Бо́гу: Аллилу́иа.

Икос 3

Име́я не то́кмо тща́ние о по́двизе ино́честем, но и ре́вность апóстольскую в проповéдании, ты, преподо́бне Гѣрмане, лю́дем, во тьме язы́ческаго невѣдения сидя́щим, Христа́ распя́таго и воскрэ́сшаго возвести́л еси́. Помина́юще у́бо ино́ческая бде́ния тво́я и труды́ апóстольския, с лю́бовию восхваля́ем тя:

Ра́дуйся, безро́потное послуша́ние игу́мену яви́вый;

ра́дуйся, в путь да́льний про́поведи ра́ди евангелъския отше́дый.

Ра́дуйся, любве́ ко отечеству́ не угаси́вый;

ра́дуйся, но́вое твоё отечество́ пла́менне возлюб́ивый.

Ра́дуйся, иноческаго житія́ во Аме́рице
первонача́льниче;

ра́дуйся, правосла́вныя ве́ры ре́вностный
пропове́дниче.

Ра́дуйся, образу́ преподо́бных оби́тели
Ла́дожския;

ра́дуйся, Се́верныя Фива́иды о́трасле, во
Аля́ске процветы́й.

Ра́дуйся, преподо́бне о́тче наш Ге́рмане,
пресла́вный чудотво́рче.

Кондак 4

Бу́рю злых напа́стей и скорбе́й претерпе́л еси́,
преподо́бне, и по́двигом до́брым во странé но́вей
подвиза́лся еси́, сего́ ра́ди и Христо́с тя просла́ви
и да́ром прозрѣ́ния и чуде́с обогати́ и дарова́
тебе́ Ца́рство Небе́сное, иде́же ты со А́нгелы
воспева́еши Бо́гу: Аллилу́иа.

Икос 4

Слы́шаще о чудесе́х твои́х, лю́дем явлѣ́нных,
егда́ о́гненное запале́ние и наводне́ние
губительное ты остано́вил еси́ моли́твою сво́ею,
все лю́дие умиля́хуся се́рдцем. Мо́лим тя и нам
явити́ си́лу твою́ и по́мощь, к тебе́ вопию́щим:

Ра́дуйся, богопропове́днице, ре́вностию твоёю
нас вдохновля́й;

ра́дуйся, боголю́бче, сердца́ на́ша ра́достью
исполня́й.

Ра́дуйся, за всех уныва́ющих те́плый
моли́твеннице;

ра́дуйся, душ смяте́нных пресла́достный
умири́телю.

Ра́дуйся, я́ко смире́нием твои́м подае́ши
страждущим исцеле́ние;

ра́дуйся, я́ко кро́тостию твоёю окрыля́еши
ду́ши на́ша во е́же созерца́ти го́рняя.

Ра́дуйся, твёрдый вразуми́телю всех отше́дших
от Правосла́вия;

ра́дуйся, любóвию твоёю направля́й нас на
пу́ть пра́вый.

Ра́дуйся, преподо́бне о́тче наш Ге́рмане,
пресла́вный чудотво́рче.

Кондак 5

Я́ко звезда́ во стране́ полунощней возсия́л еси́,
преподо́бне, на о́строве Ело́вем, Но́вый Валаа́м
нарече́ннем, да озари́ши све́том любве́ твоея́ и
богосто́пною моли́твою твоёю всю зе́млю

Америкáнскую, да со всех концев ея лю́дие правосла́внии воспою́т тёпле Бо́гу: Аллилу́иа.

Икос 5

Ви́дяще смире́ние твоё, о́тче наш Ге́рмане, вси дивля́хуся зело́, ка́ко ты, преподо́бному Анто́нию Пече́рскому, первонача́льнику мона́шества на Руси́, подража́я, восхотёл еси́ просты́м ино́ком бы́ти и по вели́кому смире́нию твоему́ от служе́ния священни́ческаго отрёлся еси́. Сего́ ра́ди взыва́ем ти такова́я:

Ра́дуйся, первонача́льниче мона́шества во Аме́рице;

ра́дуйся, смире́нием небёснаго Оте́чества дости́гнувый.

Ра́дуйся, небёсною сла́вою увенча́нный;

ра́дуйся, оби́тель на месте по́двигов твои́х предреки́й.

Ра́дуйся, мо́щи твоя́ предрече́нной оби́тели дарова́вый;

ра́дуйся, исто́чник чудес от них ми́ру яви́вый.

Ра́дуйся, защи́тнице тёплый бра́тии, тобо́ю собира́емья;

ра́дуйся, ино́ком вождь ве́лий на бра́ни невиди́мой.

Ра́дуйся, преподо́бне о́тче наш Ге́рмане,
пресла́вный чудотво́рче.

Кондак 6

Пропове́дует пусты́ня се́верная по́двиги и
чудеса́ твоя́, преподо́бне, и ты, я́ко но́вую ветвь
виногра́дника Це́ркве Ру́сския, на земли́
Амери́канстей прозя́бшую, прославля́ет. Ты бо
де́бри Аля́ски и леса́ ея́ моли́твою твоёю
облагоуха́л еси́ и, подви́жником дрéвним
подража́я, в безмо́лвии но́щнем взыва́л еси́ к
Бо́гу: Аллилу́иа.

Икос 6

Просвети́вый люде́й, во тьме язы́честей
пребыва́ющих, и о́браз подви́жническаго жити́я
сим показáвый, моли́ся о всех нас, богоно́сне
о́тче наш Ге́рмане, да и мы, благодаря́ще
Го́спода за ми́лость Его́, нам явлéнную,
непреста́нно воспева́ем ти похва́льные сия́
глаго́лы:

Ра́дуйся, Пресвяты́я Трои́цы служи́телю
ве́рный;

ра́дуйся, пусты́ни Ело́выя подви́жниче
усе́рдный.

Ра́дуйся, щит ве́ры живы́я и разу́мныя всем
подава́яй;

ра́дуйся, тьму́ свѣтомъ евангелъскимъ
просвѣща́яй.

Ра́дуйся, яко́ суе́ту и уны́ние богомы́слиемъ
отгна́л еси́;

ра́дуйся, яко́ убо́га себѣ́ имену́я, смире́нию
всехъ поуча́л еси́.

Ра́дуйся, сердца́ на́ша ра́достью́ твоею́
исполни́вый;

ра́дуйся, наде́ждою́ благо́ю нас укрепив́ый

Ра́дуйся, преподо́бне́ о́тче нашъ Ге́рмане,
пресла́вный чудотво́рче.

Кондак 7

Хотя́й возсия́ти свѣ́ту богопозна́ния во стране́
язы́честей, благоволи́ Госпо́дь се́яти семена́ ве́ры
правосла́вныя и повеле́ тебе́, преподо́бне, да
всехъ научи́ши ве́ре и́стинней и защити́ши ю́. Ты
же, яко́ па́стырь безстра́шный ма́лому стаду
евангелъски взыва́еши, да не убои́мся, яко́
обетова́но есть намъ Небе́сное Ца́рствие, те́мже
науче́ннии тобо́ю, ра́достне поёмъ: Аллилу́иа.

Икос 7

Дивно в вы́шних моли́твенно пребыва́л еси́,
преподо́бне, но и в ни́жних на землі́ су́щих не
забыва́л еси́, наипа́че же о сирота́х ве́лие
попече́ние яви́л еси́, устра́яя прию́т им и
учи́лище, иде́же за́поведем Госпо́дним поуча́л
еси́ их. Сих ра́ди трудо́в твои́х приими́ от нас
похва́лы сия́:

Ра́дуйся, ни́щих и сирот за́щитителю;
ра́дуйся, бла́гостный о них попечи́телю.

Ра́дуйся, я́ко стра́ху Бо́жию ча́да сво́я науча́л
еси́;

ра́дуйся, я́ко живо́ю водо́ю Ева́нгелия́ всех
напо́ял еси́.

Ра́дуйся, моли́твы непреста́нныя учи́телю;
ра́дуйся, хле́бом небе́сным и земны́м
сиропита́телю.

Ра́дуйся, плоть покоря́ти ду́ху поуча́вый;
ра́дуйся, Бо́га всем се́рдцем люби́ти
наставля́вый.

Ра́дуйся, преподо́бне о́тче наш Ге́рмане,
пресла́вный чудотво́рче.

Кондак 8

Странное чѹдо яви́ человеколюбецъ Господѹ,
дарова́ бо тебѣ, преподобне, дар прозрѣния и
исцелѣния яко́ источникъ утешѣния людемъ
Своимъ. Ты же своими и словесы́ привелъ еси́
мно́гия к любви́ Божией. Тѣмже сия́нием
пѹдвиговъ твои́х просвещѣннии, лю́дие взыва́ху
ко Господу: Аллилу́иа.

Икос 8

Избранъ Богомъ былъ еси́, о́тче преподобне, тѣмже
лю́дие новопросвещѣннии свѣтомъ Христо́вы
вѣры притека́ху к тебѣ в болѣзняхъ и печалехъ. Ты
же, яко́ отецъ чадолюбивый, предста́тельствовалъ
еси́ за всехъ в моли́твахъ, источая́ исцелѣния и
утешая́ всехъ, к тебѣ о по́моци взыва́ющихъ,
тѣмже сла́вляху тя духо́вная ча́да твоя́:

Ра́дуйся, душъ смятѣнныхъ умирителю
пресладкий;

ра́дуйся, врачу́ нашъ безмѣздный и
благодатный.

Ра́дуйся, немо́щей на́шихъ целителю
милосѣрдный;

ра́дуйся, в беда́хъ и обстоя́ннихъ помощниче
скѹрый.

Ра́дуйся, лишѣнным кро́ва тѣплое прибѣжище;
ра́дуйся, бу́реваемым, я́ко «Скала́
Мона́шеская», тѣхое пристѣнище.

Ра́дуйся, грядущая́ я́ко настоя́щая
провиде́вый;

ра́дуйся, прегрѣше́ний сокровѣнных
обличителю́ прозорли́вый.

Ра́дуйся, преподо́бне о́тче наш Ге́рмане,
пресла́вный чудотво́рче.

Кондак 9

Всего́ себѣ Го́сподеви пре́дал еси́, блаже́нне,
те́мже со А́нгелы в пусты́ни сла́достно
бесе́довал еси́. И ны́не с ли́ки а́нгельскими на
Небесе́х непреста́нно взыва́еши Творцу́ всех и
Созда́телю хвале́бное: Аллилу́иа.

Икос 9

Ветии́ многовещáннии не возмо́гут исчíслити
чудеса́ тво́я, лю́дем явленна́я, я́ко и дýси
нечíстии по словеси́ тво́емý от люде́й
стра́ждущих исхожда́ху. Егда́ же бысть
наводне́ние вѣлие, ты моли́твою сво́ею пред
ико́ною Бо́жия Ма́тере остано́вил еси́ мо́ре,
глаго́ля: «Да́лее се́я черты́ не пре́йдет вода́».
Те́мже ти воспева́ем си́це:

Ра́дуйся, стихии водны́я усмири́телю дивны́й;
ра́дуйся, от запале́ния лесна́го изба́вителю
пресла́вный.

Ра́дуйся, святителя́ Иннокенти́я, в мо́ри
взыва́вшего к тебе́, услы́шавый;
ра́дуйся, по мо́рю пла́вающим ко́рмчий
наде́жный.

Ра́дуйся, я́ко гнев злых люде́й ти́хостию
исправля́л еси́;
ра́дуйся, я́ко дивное благоуха́ние с небесе́ к
тебе́ прибега́ющим ниспосыла́л еси́.

Ра́дуйся, ве́лия зна́мения при жи́зни твоёй
показа́вый;
ра́дуйся, и по сме́рти твоёй мно́гая чудеса́
яви́вый.

Ра́дуйся, преподо́бне о́тче наш Ге́рмане,
пресла́вный чудотво́рче.

Кондак 10

Спаси́тельнаго се́яния Госпо́дня, в вертогра́де
земли́ Америкáнскаго насажде́ннаго, плод
красны́й ду́хом провидя́, песнь
благодарственную́ Пресвяте́й Трои́це посреде́
пусты́ни се́верныя возноси́л еси́, о́тче святы́й

Германе, и со Ангелы небесными зывал еси:
Аллилуиа.

Икос 10

Стена еси всем, прибегающим к тебе, отче,
яко в житии твоём преславная показал еси, и
при кончине твоей дивное чудо явил. Люди же,
видяще в час кончины твоея огненный столп до
небес и нетление телесе твоего, возопиша тебе
таковая:

Радуйся, праведною кончиною в святости
твоей нас уверивый;

радуйся, яко восхождение твое на небеса
столпом огненным знаменася.

Радуйся, яко и гроб твой недужным исцеления
источаше;

радуйся, мочи твоя благоуханная в наследие
нам оставивый;

Радуйся, яко у раки твоея хромии восташа и
глас твой из гроба слышаша.

радуйся, яко источник воды святыя и
целбныя нам даровал еси.

Радуйся, яко старцу Герасиму явился еси, на
Еловый остров того призываяй;

ра́дуйся, та́инственно, я́ко живы́й, на о́строве сем пребыва́яй.

Ра́дуйся, преподо́бне о́тче наш Ге́рмане, пресла́вный чудотво́рче.

Кондак 11

Пе́ние хвале́бное тебе́ прино́сим, о́тче преподо́бне, о пра́веднем житии́ твоём. Восхваля́ем и честну́ю кончи́ну твою́, я́ко предузна́л еси́ час преставле́ния своего́, учени́к же твой Ге́расим обоня́л е́сть благоуха́ние дивное в час той. Пресла́вно бы́сть и погребё́ние твоё, егда́ испо́лнися предрече́нное тобою́. Мы же воспева́ем чудодо́ющему Бо́гу: Аллилу́иа.

Икос 11

Светопода́тельный свети́льник был еси́ все́му ино́ческому чи́ну да́льня Амériки, преподо́бне о́тче наш Ге́рмане, науча́я по́двигу, защища́я от напа́стей, ходата́йствуя о них и глаго́ля: «Не в морски́х то́кмо волна́х обурева́емся, но среди́ преле́стнаго и многомяте́жнаго ми́ра стра́ждем и скита́емся, оба́че к небéсному на́шему Оте́честву грядём». Сего́ ра́ди вопи́ем ти:

Ра́дуйся, ве́рный сподви́жнице Иоаса́фа, пе́рваго епи́скопа Ру́сския Амériки;

ра́дуйся, свидѣтелю ре́вности Иуве́налиевы
да́же до сме́рти.

Ра́дуйся, алеу́та Петра́ пронареки́й
новомученика;

ра́дуйся, предви́девый святи́тельство
Иннокѣ́нтія в землі́ Алеу́тстей.

Ра́дуйся, ученику́ своему́ Серге́ю о́браз
и́ноческаго жити́я показавый;

ра́дуйся, ино́ка Ге́расима на Но́вый Валаа́м
чудѣсно призва́вый.

Ра́дуйся, на Руси́, безбо́жием пленѣнней,
Адриа́на пресви́тера от темни́цы оградивый;

ра́дуйся, святи́теля Иоа́нна тебе́ просла́вити
подви́гнувый.

Ра́дуйся, преподо́бне о́тче наш Ге́рмане,
пресла́вный чудотво́рче.

Кондак 12

Благода́ти испо́лнена ве́дуще тя, преподо́бне
отче, прóсим: моли́ся те́пле ко Го́споду, да
оградит Цѣ́рковь Свою́ Святу́ю от дѹ́ха ми́ра
сего́, вою́ющаго на сыно́в Ея́ неvéрием и
отвраща́ющаго от богодарова́нныя жизни, дабы
восходи́ти нам от землі́ на не́бо и воспевати́
Бо́гу: Аллилу́иа.

Икос 12

Поюще твоё прославление, преподобне, убожаем тя, яко многомощна молитвенника и предстателя нашего. Ты же, стяжавый Духа Святаго и Тем просветивый люди земли Американския, услыши нас, вопиющих к тебе таковая:

Радуйся, молитву чистую и теплоту сердечную стяжавый;

радуйся, слез твоих теченьми пустыни бесплодное возделавый.

радуйся, яко сердце твоё бысть благодати Божия исполнено.

радуйся, светом сокровенным осиянный.

Радуйся, умом очищенным тайны Божественныя созерцавый;

радуйся, тишины и мира помыслов достигнувый.

Радуйся, сердца Духом Святым просвещаяй;

радуйся, совершенство обретый и нас к сему призываяй.

Радуйся, преподобне отче наш Германе, преславный чудотворче.

Кондак 13

О, пресла́вный уго́днице Бо́жий, преподо́бне и богоно́сне о́тче наш Ге́рмане, приими́ ма́лое си́е моле́ние на́ше, в похва́лу тебе́ возно́симое, и предстоя́ ны́не престо́лу Го́спода Вседержи́теля, непреста́нно моли́ся о нас, ча́дех твои́х да, пребыва́юще в любви́ и единомы́слии, навы́кнем всегда́ твори́ти во́лю Бо́жию по слову твоему́: «От сего́ дне, от сего́ часа́ да бу́дем люби́ти Бо́га превы́ше всего́ и твори́ти святу́ю во́лю Его́», и кúпно с тобо́ю сподо́бимся воспева́ти хвале́бную песнь: Аллилу́иа.

Молитва

О, предивный уго́днице Бо́жий, преподо́бне о́тче наш Ге́рмане, ты по́двигом до́брым подвиза́лся еси́, хлад и инья́ тяготы́ в земли́ Алеутстей претерпе́л еси́.

Ны́не же испо́лнися сло́во Госпо́дне на тебе́, в ма́лем ве́рным Ему́ бы́вшем, те́мже и поста́ви тя Госпо́дь я́ко Небе́снаго покрови́теля Це́ркве Америкáнския. Мы же вси́ взыва́ем ти те́плою моли́твою: моли́ся за Це́рковь на́шу Святу́ю, да оградит́ Ю́ Госпо́дь от темных сил вра́жиих, нас да сохра́нит в чистоте́ и благоче́стии, да

утверди́т в ве́ре крѣпкой и несумне́нной. И испроси́ всем нам ду́ха ми́ра и любве́, ду́ха крото́сти и смире́ния, горды́ни отгна́ние, от самопревозноше́ния огражде́ние, боля́щим по́мощь и исцеле́ние, скорбя́щим утеше́ние, а́лчущим правды́ духо́вныя пи́щу Небе́сную. Да, улучи́вше жела́емая, обря́щем пра́ведное воздая́ние в день Стра́шного Суда́ и со все́ми святы́ми воспоём и просла́вим Живонача́льную Трои́цу, Отца́ Непости́жимаго, Исти́ннаго и Единоро́днаго Сы́на и Свята́го Уте́шителя Ду́ха, во ве́ки. Ами́нь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
НЕБО**